

شاهد.. سيدة ترتدي "المايوه الشرعي" تثير الرأي العام في مصر.. القصة كاملة



22 يونيو 2020 - 22:56

عاد من جديد الجدل حول ارتداء البوركيني، المعروف في الدول العربية بالمايوه الشرعي، بسبب مشادة بين أحد النزلاء بإحدى القرى السياحية في الساحل الشمالي، مع سيدة لارتدائها البوركيني والحجاب.

مقطع فيديو لا يتعدى الـ 10 دقائق، وثق به "مصطفى حسن" ما حدث مع زوجته، وتعرضها لـ"الرفض والعنصرية" بسبب ملابسها، وذلك عبر حسابه الشخصي على موقع التواصل الاجتماعي "فيسبوك".

وحكى "مصطفى" تفاصيل الواقعة التي وثقها بالفيديو قائلاً بحسب تقرير مجلة "هن": "طبعاً كل الناس اللي عرفاني عارفة أني مش بتكلم أو بعلق كثير على حاجة بس حصلت معايا النهاردة.. مشكلة أنا شايف أنها ماينفغش نسكت عليها عشان دي هتكون مثال لنا ولأخواتنا وزوجاتنا ولأجيال ورانا كثير ولازم الناس دي تتغير ويكون لها عقاب زي ما ابتدينا تتغير ونغير عقول ناس كثير ومرضى كثير في مجتمعنا".

وأضاف: "ده مثال واقعي حصل لمراتي النهاردة وأنا معاها في pool في قرية بالساحل، لقيت سكان جاينين يقولولها واحنا في الماية ماينفغش تنزلى باللبس ده أو بالمايوه ده!! قالت ليه بكل استغراب وخوف كما لو كانت عملت حاجة غلط" متابعا: "واحدة عندها شاليه زيه زي أي حد ويبجي ناس يقولوا لها اخرجي عشان أنتي لابسة مايوه شرعي ومضايقة عيوننا بيه!! هنا كله لابس بيكيني أو one piece".

تاريخ الطباعة: 2021-02-24 18:07:56

وقال: "أنا شايف اللي حصل ده عنصرية زيهم زى اللي بيقلوا للي لابسة لبس قصير ماتلبسيش وأكيد دول اللي برده عندهم عنصرية اللون والدين!! ياريت كل واحد يبقى في حاله إحنا في 2020، يا ناس كفاية جهل".

السوشيال ميديا تنتفض مع الواقعة

واقعة الفيديو لم تمر مرور الكرام، مع رواد مواقع التواصل الاجتماعي، الذين بدورهم قاموا بمشاركة المقطع والتعليق عليه سواء بالإيجاب أو حتى بالسخرية من الوضع القائم.

ليبدأ العديد بتدوين وجه نظره على المشكلة من خلال منشوار على منصات السوشيال ميديا.

رضوى الشربيني تُعلق

من جانبها علقت الإعلامية رضوى الشربيني، على الواقعة، وذكرت "الشربيني"، عبر حسابها الرسمي على موقع التواصل الاجتماعي "فيس بوك": "يعنى إيه واحدة رايحه تنزل بحر.. يتقال لها لا مش هينفع علشان أنتى محجبة.. رايحه تسهر مع جوزها فى حتة، تتمنع من الدخول علشان هي محجبة.. تيجي تشتري وحدة سكنية فى مكان المفروض أنه راقى يتقال لها لا مش هنبيع علشان أنتى محجبة".



وتابعت "الشربيني" استنكارها على أزمة النزول بالمياه الشرعي (البوركييني): "زي ما الست اللي مش محجبة حرة.. الست المحجبة كمان حرة".

صاحب الواقعة يكشف الكواليس

و كشف مصطفى حسن، صاحب الفيديو تفاصيل الواقعة، قائلا: "الاختلاف كان عن المايوه الشرعي، أنا كنت بسمع الفترة اللي فاتت كتير عن الموضوع ده وظهرت السنين اللي فاتت بس كنت بسمع ويقول يا جماعة ده مش بيحصل فى الحقيقة لحد ما اتعرضت له امبارح".

وتابع "حسن" خلال اتصال هاتفي ببرنامج "مساء dmc"، المذاع على شاشة قناة "dmc"، وتقدمه الإعلامية إيمان الحصري، "كنت قاعد أنا والمدام في البيسين عادي فجأة لقيت 5 أو 6 الجيران بيقلولوا لمراتي اللبس ده مينفعش من فضلك أطلعني برا البيسين، لو عاوزة تنزلي بيه أنزليه في البحر".

وواصل: "لما سمعت الكلام ده مصدقتش، ومراتي اتترفتزت جدا لأنه بوركيني معروف في أي حتة، خاصة أن فيه واحدة بوركيني بس مش لابسة حجاب، فأنا معرفش المشكلة في البوركيني ولا الحجاب، قالوا المايوه هي المشكلة، والمشكلة فرد الأمن جاي متترفتز عشان كنت بصور".

الغرف السياحية تحسم الأمر

وحول الأزمة المثارة التي تجسد شريحة كبيرة من المجتمع، علق علي غنيم، عضو مجلس إدارة الاتحاد المصري للغرف السياحية، قائلاً: "الموضوع ده أثير أكثر من مرة وغرفة الفنادق تصدت للظاهرة دي، وبعنت منشور لكل القرى والفنادق بالسماح بنزول السيدات بالمايوه الشرعي".

وأضاف "غنيم" خلال اتصال هاتفي ببرنامج "مساء dmc"، المذاع على شاشة قناة "dmc"، وتقدمه الإعلامية إيمان الحصري، أن المانع الوحيد هو مخالفة التعليمات الصادرة من وزارة السياحة بارتداء الملابس المخالفة ولكن طالما أن مايوه حريمي معتمد ومسموح له، كما أن المايوه الشرعي مسموح بارتدائه في جميع القرى والفنادق السياحية.

وأكد عضو مجلس إدارة الاتحاد المصري للغرف السياحية أن هناك إجراء حازماً لأي شخص يعترض على هذا القرار، وتقديم شكوى لغرفة الفنادق والتي من شأنها أخذ إجراء وقائي قوي جداً مع وزارة السياحة.

المزيد على دنيا الوطن <https://www.alwatanvoice.com/arabic/news/2020/07/22/1354364.html#ixzz6Sy0yqm7b..>

Follow us: [@alwatanvoice on Twitter](#) | [alwatanvoice on Facebook](#)